

Wakita na a puwatertaa ura umele ge EGGYE-AHA Á IBRAHIMA

Dadaamiya á bamiya elva an we á Egdza-aara

¹ Ndza werre wá, Dadaamiya a ndater elva ser kwakya ge eggye-aha a miya an we á nabi-aha, ndza a ndater elva an pute gergere kwakya.

² Amá am kinire na wá, Dadaamiya aŋkwa á bamiyá elva an we á Egdza-aara. A nderaa duksa bademme keni á ba áte erva an Egdza-aara ɲanna. Ndza a eksesaa ba ɲane geni á de kwaraná ɲane duksa bademme.

³ Tá zharaná am ɲane emnde yaikkire antara njá á Dadaamiya bademme. Duksa bademme njaanja an unɲule-aara na wá, á ɲana ba ɲane an hakuma á elva-aara. A magaa pute geni emnde tá sesse am ervaunɲe á Dadaamiya, tá gevge emnde cudedɲe. Am iga a una ɲanna maa, a zlalehe á dem samaya, aŋkwa á nja am naɲafa á Dadaamiya, slekse arge duksa bademme.

Yaisu ɲane male arge malika-aha bademme

⁴ Dadaamiya a ganve Egdza-aara male arge malika-aha bademme, a vante zhera na jauje ge náza-aatare bademme. Adaba a ɲetaa ɲane Egdza-aara. Daaci a jateru an una ɲanna ge malika-aha.

⁵ Aḡaba ḡaaka malika na Dadaamiya a banaa: Ba ekka una ka egdza-aaruwa, iya keni ya Eddeḡa. Amá a banaa una ge Yaisu. Zlabe ádaliye, ḡaaka malika na ndasenda Dadaamiya áte ḡane: Yá de gev Eddeḡara, ḡane keni á de gev egdza-aaruwa.

⁶ Amá am sarte na átira ḡela Egdza-aara na, gevge ba seke makaji-aara na wá, á ba ḡane: Baḡemme a malika-aha-aara tá de kezlan ugje ge ḡane.

⁷ Á ba Dadaamiya áte malika-aha wá: A fater ba ge maganaa slera, itare ta ba seke effeya antara nara á kára.

⁸ Amá áte Egdza-aara wá, á ba ḡane: Ámbarka á ḡa Dadaamiya, sleksire á ḡa á de zleka ḡekideki. Ká de maga sleksire á ḡa an jirire.

⁹ Ekka wá, wedere á ḡa ba jirire, yakanaaya mandzawire. Aḡaba una ḡanna, a eksaksehe ge Dadaamiya á ḡa, a gakve male arge emnde á ḡa baḡemme, a gedaktehe, ervaunḡe á ḡa ba seke nama.

¹⁰ Adaliye a ba ḡane á ba áte Egdza-aara ḡanna: Yaakadada, am fakta, ba ekka una ka nderaa haha, samaya keni ba slera á erva á ḡa.

¹¹ Baḡemme á duksa-aha ḡanna tá de zlauzle, amá ekka wá, ká nja dem ba ge ḡekideki. Baḡemme a duksa-aha ḡanna tá de gevge emgyegwe ba seke kacakaca,

¹² ká de takwalatertakwala ba seke bagwadza, ká de keḡanaakeḡa daradza-aatare, amá ekka wá, ká nja dem ba ge ḡekideki, ḡaaka halavuwa á shifa á ḡa.

¹³ Baaka malika na Dadaamiya a banaa:
Sawa, njinja am naɗafa-aaruwa, yá gatervege
kelaade-aha á ŋa náza puwa sera á ŋa.

Amá a banaa una ŋanna ge Egdza-aara.

¹⁴ Malika-aha wá, itare ta ba emnde a slera
á Dadaamiya, Dadaamiya á belaterbela, tá de
melateru ge emnde na ni tá de lyelye shifa-
aatare.

2

*Faumifa hyema áte unŋule a lya na a
maramiyaa Dadaamiya*

¹ Adaba una ŋanna faumifa hyema ba shagera
áte elva na mi cenanaa miya geni a dzalamiyefka
áte unŋule.

² Adaba werre wá, ndza ta se balanaa ba
malika-aha labare na gevge jirire na, daaci
ma ware una cenaaka, fansareka na, ŋanaaŋa
Dadaamiya an shairiya.

³ Náza á miya wá, a tsaaka an una ŋanna.
Mí de shaná estara kena shifa á miya, má mí
feka hyema am elva a lya shifa na a sanaa ba
Yaakadada Yaisu an ire-aara na? Emnde na ta ce-
nanaa á ba an hyema-aatare wá, ndaramindaha
geni elva ŋanna jirire.

⁴ Dadaamiya keni a naba maresehe seydire
á elva ŋanna an nalaama-aha, an najipu-aha,
antara duksa gergere ta maganaa emnde ŋanna
an hakuma á Shedeŋwe Cufedeŋde na a vatertaa
Dadaamiya an namaari-aara.

Yaisu wá, Slelya á emnde ba ŋane

⁵ Dadaamiya vaterteka dekiɗeki ge malika-aha geni tá de kwaraná itare duniya na á de sawa, mí ndahaná miya na.

⁶ Amá aŋkwa am wakita á Dadaamiya, a bantsa ura umele:

Ázara urimagwe keni, geni ka Dadaamiya, ká dzámá ñane? Urimagwe keni duksa he, geni ká fanu hyema?

⁷ Ka naba ganaahe emtsaade cekwaangudi á katafke á malika-aha, ádaliye ka vante yaikkire antara dárádza.

⁸ Ka yaa duksa baɗemme am erva-aara.

Má Dadaamiya a yaa duksa baɗemme am erva-aara wá, amaana baaka duksa dekiɗeki ni ñane á kwareka na. Amá am kinire na wá, mí nánka emtsaade sleksire-aara na á kwára duksa baɗemme na.

⁹ Diyamidiya geni duksa baɗemme á kwaraná ba Yaisu, amá a naba ganaahe ge Dadaamiya am sarte cekwaangudi á katafke á malika-aha, geni á emtsamtsa am sleɗe á emnde baɗemme. Una ñanna keni Dadaamiya a magateraa ba ngurna ge emnde. Daaci Dadaamiya a vante yaikkire antara darádza ge Yaisu adaba a shu zlaɗa, a eksar emtsa ñanna.

¹⁰ Duksa baɗemme á ba am erva á Dadaamiya, a nderanaa ba ñane. Zlaya jipu una ni a naba yaa Yaisu am zlaɗa na, geni ñane a gevge edda una hyephye am duksa baɗemme, lauktu á de gatervá ñane emnde kwakya egdzara á Dadaamiya, á lyatersá ñane, á daterá ñane á de katafke á Dadaamiya am yaikkire-aara.

¹¹ Ba Yaisu una á gatervege emnde cufedfe á katafke á Dadaamiya. Nane antara emnde na a barateraa nane, garevge ba egdzara á ura palle. Adaba una nanna wanka zherwe ge Yaisu, a dateraa an egdzara á Eddenjara.

¹² Ndza a bantsa nane: Yá de balaterá zhera á na ge egdzar mama-aha-aaruwa, yá de galáká am dagave á emnde á na.

¹³ Adaliye a ba nane: Yá njá á ba áte Dadaamiya palle. Zlafe ádaliye a ba nane: Náwa iya antara emnde na a puwimaa Dadaamiya am erva.

¹⁴ Emnde nanna, ta ba emndimagwaha, daaci Yaisu a naba gev urimagwe ba seke itare, a emtsehe geni á keƊanaakeda ba Ɗekideki hakuma á Shaitaine na an hakuma ge ceba emnde na.

¹⁵ A palateraa an una nanna emnde na ndza nateraanja lyawa á emtsa na baƊemme.

¹⁶ Nane saaka á se melateru ge malika-aha, amá a se melateru ge eggye-aha á Ibrahimia.

¹⁷ Daaci una zlaya geni á gevge ba seke egdzar mama-aha-nara am duksa baƊemme. Estuwa á dzegwándzegwa gev *liman yaikke, slebara haypa á emnde ge meláterá an Dadaamiya. Nane slekemaare, dzayye ervaunƊe-aara am slera á Dadaamiya.

¹⁸ Kina wá, á dzegwándzegwa a melateru ge emnde na tá am bada á shaitaine, adaba nane keni ndza a shushe zlaƊa am lámare nanna.

3

Yaisu male arge Muusa

¹ Daaci egdzar mama-aha-aaruwa, emnde cufedfe, kure keni a dzerakursaa ba Dadaamiya geni kwá gevge emnde-aara, tsawanaatse enkale á kure á ba áte Yaisu palle. Ba ɲane una slebela á Dadaamiya geni á se gev *liman á miya emnde a fetarfe.

² Ba Dadaamiya una a faare slera ɲanna, ɲane keni a magaa slera ɲanna an ervaunɗe-aara palle, ba seke una Muusa keni ndza a magaa slera-aara an ervaunɗe-aara palle am huɗe á há á Dadaamiya.

³ Emnde tá galeka há, amá tá gálá edda una a nderaa há. Ba duksa palle ge tara Yaisu an Muusa keni, shagera tá gálá ba Yaisu arge Muusa.

⁴ Ba kelaa há a nderanaa ba ura, amá duksa bademme wá, a nderanaa ba Dadaamiya.

⁵ Muusa wá, ɲane ndza ba walaadi am huɗe á há á Dadaamiya, slera-aara ndza ba mága seydire á názena watse á baterná Dadaamiya ge emnde. A magaa slera ɲanna an ervaunɗe-aara palle.

⁶ Amá *Almasiihu wá, ɲane Egdza huɗe á há á Dadaamiya, bademme á huɗe á há á Dadaamiya á ba am erva-aara. ɲane keni a magaa slera-aara an ervaunɗe palle am huɗe á há ɲanna. Huɗe á há á Dadaamiya ɲanna wá, ba miya, má tsamiyaatse dzaɲdzaɲe áte unɲule-aara, má kezlamianveka tama á miya áte ɲane.

Tate á puwansepuwe á emnde á Dadaamiya

⁷ Adaba una ɲanna, cenaumicena názena a baminaa Shedfekwe Cufedfe, a ba ɲane:

Vatená má cenakurancena kwara á Dadaamiya wá,

⁸ magauka degdegire á ire seke una ndza ta maganaa eggye-aha á kure werre, am sarte na ta magaa yawe kul ufade am kaamba na. Ndza ta maganaa gardire ge Dadaamiya, ta naba gya hala-aara.

⁹ A ba Dadaamiya, naránna tsa najipu-aha na ya maganaa iya antara itare am yawe kul ufade nanna, aley ta naba gyaa hala-aaruwa.

¹⁰ Adaba una nanna, a naba jihe ge ervaunđe jipu áte emnde nanna, a ba iya am ervaunđe-aaruwa: Emnde na ervaunđe-aatare yiyiye an iya, tá dábeka unjule-aaruwa dekideki.

¹¹ Am jija ervaunđe áte itare, ya naba zu waɗa geni yá de belaternaaka dekideki ge emnde nanna, ge se puwansepuwe antara iya am tate na ya maraterna a iya.

¹² Egdzar mama-aha-aaruwa, faufa hyema geni a jerka ura am dagave á kure una yiyiye ervaunđe-aara an Dadaamiya, geni a de yánka Dadaamiya Sáksage.

¹³ Amá ma vaatara keni ndaunda ba elva na ni á de vakurte ndzedá na am dagave á kure. Daaci á de badakuruka shaitaine ge mága haypa, antara ge mága degdegire á ire. Magaumága una ba kelaazare am sarte na zlaɓe kwá an shifa na.

¹⁴ Máki kezlamiyanke fetarfire á miya áte Yaisu, ba kalkale antara una am zunjwire wá, daaci mi emnde á Yaisu á ba an jirire.

¹⁵ Anƙwa am wakita á Dadaamiya, a ba ɲane: Vatená, ma cenakuráncena kwárá á Dadaamiya, magauka degdegire á ire seke una ndza ta maganaa eggye-aha á kure werre, ta maganaa gardíre ge Dadaamiya.

¹⁶ Emnde-ara ɲane cenaráncena tsa kwara á Dadaamiya, ta naba maganaa gardíre na? Ba emnde na ndza a satersaa Muusa a sawa am larde a Misera na.

¹⁷ Emnde-ara ɲane yawe kul ufáde tá já Dadaamiya an ervaunđe na? Ba itare ɲanna zlaɓe ádaliye emnde na ta gu haypa kwakya an Dadaamiya, adaba una ɲanna ta naba matsehe am huɗe á kaamba.

¹⁸ Emnde-ara ɲane Dadaamiya a zateru waɗa geni á de vaterteka ɗekidėki de puwansepuwe antara ɲane na? Ba emnde ɲanna zlaɓe ádaliye ndza faransarka ɗekidėki na.

¹⁹ Ba estuwa egdzar mama-aaruwa, náwa namiyánna bademme geni Dadaamiya a piyaterante dem tate á puwansepuwe adaba baakire á fetarfire-aatare.

4

¹ Werre, á ba Dadaamiya á de vaterte tate á puwansepuwe ge emnde, una ɲanna namána na zlaɓe ba nja-aara ge miya keni. Daaci, faumifa hyema áte ire á miya, geni a eptseka palle á miya á dem kataliya, daaci watse á taa daaka á dem tate á puwansepuwe ɲanna.

² Miya cenamiyancena labare á higa ba seke náza eggye-aha á miya werre am kaamba, amá elva ɲanna magateranka payɗa ge itare adaba cenaráncena, amá fartarka átekwa.

³ Miya emnde na famitarfe áte ɲane na wá, mí de shánsha dem tate á puwansepuwe ɲanna. Amá emnde na fartarka áte Dadaamiya wá, aɲkwa elva a ndasaa Dadaamiya áte itare, a ba ɲane:

Jija ervaunde, daaci ya naba zu waɗa geni ya de belaternaaka ɗekideki geni tá se puwansepuwe antara iya am tate na ya maraternaa iya.

Am fantaufe, am sarte na Dadaamiya zlauzle am slera á nderá duksa bademme wá, a naba puwansehe. Puwansepuwe ɲanna wá, aɲkwa sem vatená.

⁴ Am tate umele am wakita á Dadaamiya, aɲkwa á ndaha elva a háre ge vuyire, a ba ɲane: Dadaamiya a zlaa slera-aha-aara am háre ge uɲkwahire, ge vuyire wá, a naba puwansehe.

⁵ Am tate umele keni a ba ɲane: Tá de demka ɗekideki á dem puwansepuwe antara iya am tate na ya maraternaa iya.

⁶ Emnde na ta cenaa labare á higa zuɲɲwe, amá daraaka á dem tate á puwansepuwe ɲanna wá, aɗaba faransarka ge Dadaamiya. Ge puwansepuwe ɲanna wá, sem vatená keni zlaɓe aɲkwa baráma-aara ge emnde umele keni.

⁷ Aɗaba una ɲanna, Dadaamiya a faa sarte umele zlaɓe ádaliye, amaana, zamane na. Náwa a faa sarte ɲanna estuwa, haraare á maga yawe kwakya am iga una ni eggye-aha á miya ta maganaa gardire na, a ba Dadaamiya an we á *Dawuda: Vatená, ma cenakuráncena kwára-aaruwa wá, magauka degdegire á ire.

⁸ Ma andze daterda Zhausuwe á dem tate á

puwansepuwe á jirire wá, Dadaamiya ma andze á feka sarte umele ge dá ura á dem tate á puwansepuwe.

⁹ Daaci diyamidiya geni aŋkwa puwansepuwe á jirire á katafke á emnde á Dadaamiya ba seke una ndza a puwansaa ŋane am háre ge vuyire na.

¹⁰ Ma ware una shansha puwansepuwe ŋanna áza Dadaamiya, ŋane keni zlauzla slera-aara, ba seke una a puwanse ge Dadaamiya am slera-aara na.

¹¹ Daaci wavaumiwava ge dem tate á puwansepuwe ŋanna, faumifa hyema geni a jerka ura am dagave á miya una á fansarka ge Dadaamiya, seke una ndza faransarka eggye-aha á miya werre na. Daaci edda-aara á de geyegeye á kataliya.

¹² Elva á Dadaamiya wá, an hákuma jipu, á vaterte shifa na á zleka na ge emnde, á dzegwándzegwa mága slera yaikke am ervaunđe á ura. Elva ŋanna wá, an ndzedá jipu ba seke masalam na an ga slare we bukerde na. Á dzegwándzegwa ŋgye á dem dzágwa á ubiye-aha, dete zeba keni bademme. Elva ŋanna wá, jauje ba ge masalam keni an ndzedá. A dzegwándzegwa tsanmaare ge ura am názena á slaslaná ŋane am ervaunđe-aara bademme.

¹³ Baaka duksa na ni an shebe am ice á Dadaamiya. Duksa bademme a nderanaa ba ŋane, ŋane diyaadiya bademme. Watse mí de eppálá á katafke-aara názena mi maganaa miya bademme.

*Yaisu ŋane male á *liman-aha bademme*

¹⁴ Miya, diyamidiya ganakini aṅkwa *liman á miya yaikke. Ba ṅane una Yaisu, *Egdza á Dadaamiya, zlaazlálá á dem samaya. Daaci sey mi tsaatse ba shagera ate názena mi fetaare átekwa na.

¹⁵ Liman á miya ṅanna wá, slezamivarze jipu, adaba diyaadiya názena zlazlaḍa áte miya bademme. ṅane keni shaushe zlaḍa-aha gergere ba seke náza á emnde bademme. Ba báda keni, ndza ta ebbada an duksa gergere bademme, amá ṅane magaaka haypa ḍekideki.

¹⁶ Adaba una ṅanna, gaumiyaptege á deza Dadaamiya slemagamiya ṅurna ba kelaazare, gaumiyaptege á deṅara an baakire á shaige, geni á de zamivarze, á de magamiya ṅurna am wedera-aha á miya bademme.

5

¹ Bademme a male-aha á *liman-aha, tá dzer-aterá á ba am dagave á emnde, tá tsater ge mága slera á Dadaamiya am dagave á emnde, tá dáná itare sadake á emnde á de katafke á Dadaamiya, geni á yateraare haypa-aha-aatare.

² Má emnde diyarka mága jirire, dzalarevdzále áte barámá á Dadaamiya, liman wá, ṅane á naba cenatercena, adaba ṅane diyaadiya názena zlazlaḍa áte emnde. Diyaadiya geni ṅane keni hyefka am duksa umele.

³ Daaci sadake na á danná ṅane ge Dadaamiya na wá, á dándá náza á ire-aara emtsaade, geni a yanaarye Dadaamiya haypa-aara, lauktu

á danná náza á emnde geni á yateraarye Dadaamiya ge itare keni.

⁴ Baaka ura á dzegwándzegwa eksese slera á limanire an ire-aara, sey má a d'ahanaa Dadaamiya ge mága slera á limanire ŋanna, seke una ndza a dahá *Haruna werre.

⁵ Yaisu keni ekseseka ba ŋane an ire-aara, geni á gevge *liman yaikke, amá ndza a eksesaa ba Dadaamiya, a ba ŋane, á elvan ge ŋane: Ba ekka una ka Egdza-aaruwa, iya keni ya Edeŋa.

⁶ Am tate umele keni aŋkwa am wakita á Dadaamiya a ba ŋane, á elvan ge ŋane: Ekka, ka liman dem ba ge d'ekid'eki, limanire á ŋa seke limanire á Malkisadaka.

⁷ Am sarte na Yaisu aŋkwa am duniya wá, ndza a ŋala Dadaamiya á ba an ká kwara, ámbera á kyuwa geni á se melanumele, adaba diyaadiya geni aŋkwa hakuma á Dadaamiya ge se lya shifa-aara. Dadaamiya cenanvarcene. Am iga á emtsa-aara, a naba tsantehe zlaŋe ádaliye, adaba fesarfira-aara áte ŋane.

⁸ Ŋane *Egdza á Dadaamiya, aley keni wá, a naba shu zlaŋa, geni fesarfira-aara á gevge ba parakke.

⁹ Am sarte na zlanazle slera ŋanna baŋemme maa, ŋane gevge slelyaterlya ba ge d'ekid'eki ge emnde na tá aŋkwa fansarfe na baŋemme.

¹⁰ Á dzegwándzegwa lyaterlya adaba a tsanaa ba Dadaamiya liman yaikke áte limanire á Malkisadaka.

Faufa hyema, dzalawevka áte unŋule á Dadaamiya

¹¹ Kwakya elva na ɲá kátá ndakurnda áte ɲane, amá wá, zlazlaɗa jipu ge palakurá una ɲanna, aɗaba kure keni yiyye hyema á kure, kwa taa cenvaaka duksa áte watsewatsire.

¹² Kina wá, zlaya ma kwá kwaratersá kure elva á Dadaamiya ge emnde, aɗaba harakuraahare am huɗe-aara, amá kwá kátá tá kwarakursá ba emnde zlaɓe ádaliye ba duksa na ndza kwa tsahese zuɲɲwe keni. Zlaya ma kwá de katafke áte uɲɲule á Dadaamiya, amá kwasau kwá ba am fantaufe. Ekkure wá, zlaya ma kwá zá ɗafa dzaɲɲaɲe seke dawalaa, amá kwá kátá shá ba uba seke egdzere áte erva.

¹³ Ma ware una zlaɓe á kátá ba sha uba na, ɲane wá, zlaɓe ba seke egdzere áte erva. Egdzere áte erva wá, zlaɓe diyaaka duksa na shagera antara duksa na shagerka.

¹⁴ Amá dawalaa diyardiya lanaale tara duksa na shagera, antara duksa na shagerka baɗemme, ma zlazlaɗa keni.

6

¹ Daaci geyaumika arge duksa na kwaye mi tsahese am fantaufe á miya ge fetaare áte Yaisu *Almasiihu na, mí zlalawa á de katafke an tsáha duksa-aara na zlazlaɗa na keni. Una názu á zlayater ge emnde na hararaare am fetarfire na. Duksa ɲanna mi tsahese kwaye am fantaufe na wá, amaana, mága tuba arge serhaypa na á dá ura á dem emtsa na, antara fetarfe áte Dadaamiya.

² Adaliye elva a mága baptisma gergere antara puwaare *erva á barka ge ura, an elva a tsa

emnde a faya, ira elva á shairiya á Dadaamiya vaci tsafaya.

³ Baḡemme á una-aha ḡanna wá, diyamidiya. Kina wá, mi zlalawa á de katafke má way-atewáyá Dadaamiya.

⁴ Eptsaare ge duksa na diyardiya emnde wá, kurguneka, aḡaba má ura a yanaa ba ḡane unḡule á Dadaamiya, baaka pute umele ḡekideki ge melanumele geni á eptsa am tuba. Aḡaba emnde na ndza tá am parakkire á Dadaamiya, ndza sharánsha barka á Dadaamiya antara Shedekwe-aara am ervaunḡe,

⁵ ndza emtáke elva á Dadaamiya am hyema-aatare, ndza sharánsha hakuma am duniya na á de sawa na keni, ma tá de njá am huḡe-aara,

⁶ aley ni tá eptsaná ba iga ge Dadaamiya wá, baaka pute umele ḡekideki ge melaterumele geni tá eptsa am tuba. Aḡaba ba seke tá átira ja *Egḡza á Dadaamiya ge buwire áte dzaḡala, ta ganve zhera-aara duksa ba dey á katafke á emnde baḡemme.

⁷ Itare ta ba seke fe: Má yawe aḡkwa á hya á dem fe ḡanna, fe ḡanna á mága náza za an barka jipu, aḡkwa á melaterumele ge emnde a ehherḡa-aara, baaka yanya-aara.

⁸ Amá má fe ḡanna á eptsa ba dake antara masa wá, fe ḡanna baaka nampire-aara. Baaka barka am fe ḡanna, a yaranya ba ge ḡekideki.

⁹ Amá, egḡzar mama-aha-aaruwa, ma ḡa ndaase estuwa keni wá, diyaḡerdiya geni ekkure kwá aḡkwa áte unḡule á jirire, daaci á de lyakurlya Dadaamiya.

10 Dadaamiya ɲane slejirire, á taa viyanaaka slera na kwa maganaa kure, kwa naba melateruhe ge emnde a fetarfe, sem vatená kwá á ba átira melaterumele na. Una ɲanna á mara wáyáva á kure áte Dadaamiya. Baɗemme á unaha ɲanna, á taa viyanaaka.

11 Duksa na ɲá kátáná ɲere ázekure wá, ma ware á kure keni magaumága ba estuwa an higa á kure campaukkwe dem halawuwa á duniya, yawanka ɗekideki. Daaci kwá de shánsha názena kwá tamaná kure áza Dadaamiya.

12 Gawevka emnde a masefe, amá ɗabaudába sera á emnde a fetarfe na tá an ndzedfa jipu, hararaare áte unɲule á Dadaamiya. Ba itare una tá de shá názena a ba Dadaamiya á de vaterte ge emnde-aara na.

Názena a ndasaa Dadaamiya baaka pekyaaara

13 Am sarte na Dadaamiya a ɲguɗanaa namána ge Ibrahim, a zu waɗa geni ba jirire á de emmága duksa na a ndasaa ɲane ɲanna. Adaba baaka duksa umele á jauje ge Dadaamiya an yaikkire, geni á za waɗa an ɲane maa, a naba zu waɗa á ba an ire-aara.

14 A zu waɗa, a ba ɲane: Ba jirire yá de gakar barka-aaruwa. Yá de yákteya ba kwakya.

15 Ibrahim a naba fetarhe áte elva na a ndasaa Dadaamiya, a faa ervaunɗe jipu ge eppaka-aara, daaci shansha duksa ɲanna a ba Dadaamiya á de vanteva na.

16 Má emndimagwaha tá za waɗa, tá zaná an duksa na jauje ge ndzedfa-aatare. Zá waɗa wá, á

zlansauzle ge elva-aha bademme, emnde keni tá tsaatse á ba átekwa.

¹⁷ Daaci Dadaamiya a naba zu waɗa, á kátá maraterán ge emnde na a ŋgudateraa namána na, geni á de emmága duksa na a ndasaa ŋane ŋanna, á eptseka elva ɗekidɗeki.

¹⁸ Namána na a ŋgudanaa Dadaamiya, antara waɗa na a zanaa ŋane na maa, duksa-aha buwa ŋanna a ndasaa Dadaamiya na wá, baaka pekyaaara, Dadaamiya á zeka waɗa á fida ɗekidɗeki. Daaci miya emnde na mi se shaa ire á miya am sera á Dadaamiya na wá, una á vamite ndzeɗa jipu geni mí njantenja tama á miya áte duksa na a ba Dadaamiya á de vamiteva na.

¹⁹ Táma á miya áte duksa ŋanna wá, á tsáná ba ŋane shifa á miya degdege, geni a dzalamiyefka áte unŋule á Dadaamiya. A weramiyanta ba ŋane kacakaca á dzegwa na ta icanse mashidi an ŋane na, ge de katafke á Dadaamiya.

²⁰ Yaisu wá, ŋane dedde á katafke á miya, á dem tate ŋanna adaba miya. Ba ŋane una *liman á miya yaikke áte limanire á Malkisadaka, liman yaikke dem ba ge ɗekidɗeki.

7

*Malkisadaka *liman yaikke, slekse yaikke*

¹ Malkisadaka ŋanna wá, ŋane ndza slekse yaikke am Salaam, zlaɓe adaliye ndza *liman á Dadaamiya Saksage. Vacite umele wá, Ibrahim a dem wáva, a de ceɓaa slekse-aha umele. Átire sa wá, a naba de yainuhe ge liman Malkisadaka, a gan barka.

² Daaci Ibrahima a de sanse luser am nalmane-aara bademme, a vante ge liman Malkisadaka. Emtsaade wá, zhera á Malkisadaka ŋanna wá, amaana slekse na tsaatse áte jirire. Ŋane ndza slekse am Salaam. Salaam na maa, amaana hairire.

³ Ŋane, baaka ura diyaadiya eddenara antara emmenara, baaka jeba-aara, baaka ura diyaadiya fakta á shifa-aara antara halavuwá á shifa-aara. Ba seke una wakita á Dadaamiya á ndaaka fakta-aara antara halavuwá-aara na wá, ba seke ŋane wá, liman na aŋkwa ma vaatara keni. Ŋane gevge gáráva á Yaisu *Egdza á Dadaamiya.

⁴ Diyaweddiye geni Malkisadaka wá, liman yaikke. Ibrahima ŋane una eggyemiya bademme a sanse luser am duksa na a zanaa am wáva bademme, a vante ge ŋane.

⁵ Diyamidiya geni emnde umele am eggye-aha á Laiwi garevge liman-aha. Am *tawraitá á Muusa wá, a ba Dadaamiya á elvan ge itare wá, dawmbare á deza egdzara á *Iserayiila-aha, a varakurteva luser na tá sansa am nalmane-aatare bademme. Amaana luser ŋanna tá de lyiyaná á ba áza emnde a larde-aatare, itare keni ta ba eggye-aha á Ibrahima.

⁶ Amá Malkisadaka wá, ŋane ura a emnde á Laiwi ka, aley a lyevaa luser áza Ibrahima. Ibrahima ŋane edda una Dadaamiya a ŋgudfaa namána antara ŋane geni á de vante duksa. Amá ba Malkisadaka una a gar barka.

⁷ Adaliye, diyamidiya geni edda una á gar barka ge ura wá, yaikke ba ŋane arge edda una

a shaa barka. Daaci yaikke ba Malkisadaka arge Ibrahim.

⁸ Zlaḅe ádaliye, baḁemme á liman-aha na ta segáshe am jeba á Laiwi, tá lyiyaná itare luser áza emnde a larde-aatare na wá, itare keni tá emtsa ba seke emnde baḁemme. Amá Malkisadaka wá, a ba wakita á Dadaamiya ṅane aṅkwa an shifa.

⁹ Daaci ba Laiwi na eggye-aha-ṅara tá lyiya luser áza emnde na keni, ba seke a vante luser-aara ge Malkisadaka, aḁaba eggyeṅara Ibrahim a vante luser-aara ge Malkisadaka.

¹⁰ Amaana, am laukte na Ibrahim a vante luser ge liman Malkisadaka na wá, wulfe-aha-aara baḁemme á ba am ṅane emtsaḁe. Daaci ba seke Laiwi antara egdzara-aara na á de yaterá ṅane na keni varanteva.

¹¹ Dadaamiya a vaterte *tawrait a ge emnde-aara Iserayiila-aha keni á ba áte erva an liman-aha na tá segashe am emnde a jeba á Laiwi, amá slera á limanire na ndza ta maganaa emnde á Laiwi hyefka, dzegwaranka magannaamaga ge Dadaamiya názena a katanaa ṅane. Ma andze dzegwarándzegwa wá, ma baaka wedera-aatare an liman umele yaikke seke Malkisadaka. Ma andze dzegwarándzegwa wá, baḁemme á liman-aha ma tá segashe á ba am eggye-aha á Laiwi seke *Haruna.

¹² Má Dadaamiya mbedesembede limanire á emnde á Laiwi an liman umele wá, daaci tawrait a keni á de eptsantepts a.

¹³ Náwa namiyanna geni limanire, a ept-saptehe ba estuwa. Yaakadada Yaisu na ṅa aṅkwa á ndaha elva-aara áhuna na keni, ṅane

ura jeba á Laiwi ka, jeba-aara ba tsekemme. Ba ura palle keni jarka am emnde a jeba-aara una gevge liman, a daa sadake á de katafke á Dadaamiya.

¹⁴ Diyamidiya geni Yaisu wá, ñane a jesare am dagave á emnde a jeba á Yahuda. Am laukte na Muusa á ndáhá elva á liman-aha na wá, tsalaaka jeba ñanna ðekideki.

**Liman yaikke áte limanire á Malkisadaka*

¹⁵ Náwa mí dise áte una, geni ba jirire ndza hyefka limanire á emnde á Laiwi, aɗaba Dadaamiya a fanem slera á limanire ñanna am erwa ge Yaisu, ñane keni ba ura jeba umele seke *liman Malkisadaka.

¹⁶ Ñane gevka liman yaikke áte naɗe á liman-aha, amá a gev liman yaikke aɗaba an hakuma ge nja an shifa dem ba ge ðekideki.

¹⁷ Adaliye a ba wakita á Dadaamiya: Ekka ká liman yaikke dem ba ge ðekideki seke liman Malkisadaka.

¹⁸ Dadaamiya a naba yaa naɗe á liman-aha aɗaba hyefka, cekwa hakuma-aatare ge melateru ge emnde.

¹⁹ An naɗe á limanire wá, emnde dzegwaránka shá dzayyire á erwaunɗe á katafke á Dadaamiya. Amá kina wá, aŋkwa edda una ni jateruje ge liman-aha werre. Máki má aŋkwa fa tama á miya áte ñane wá, á de vamita ñane barama ge de katafke á Dadaamiya.

²⁰ Zlaɓe ádaliye maa, am sarte na ni watse Dadaamiya á de far slera á limanire ge Yaisu na wá, a zu waɗa emtsaɗe, geni Yaisu á de

gev liman yaikke, amá ge liman-aha umele wá, magaaka estuwa.

²¹ Amá ge Yaisu wá, Dadaamiya a zanu waɗa, a ba ɲane: Yá etpseka elva-aaruwa dammaru ká njá liman dem ba ge ɗekideki.

²² Máki Dadaamiya a zu waɗa estuwa wá, amaana aɗaba Yaisu wá, shamiyansha namána áza Dadaamiya jauje ge namána-aara werre na.

²³ Anƙwa jawapa umele. Liman-aha werre wá, ndza ta vayye, ba á emtsa una, á eksaná una slera á limanire, á emtsa una á eksáná una slera á limanire.

²⁴ Amá limanire á Yaisu wá, baaka tsa-aara, aɗaba ɲane á emtseka ɗekideki.

²⁵ Daaci ma vaatare keni á dzegwándzegwa lyaterlya emnde na tá yeka an zhera-aara na baɗemme, aɗaba ɲane anƙwa an shifa dem ba ge ɗekideki, sledagave-aatare an Dadaamiya.

²⁶ Ba ɲane una liman yaikke, a hyevhye ge wedera á miya baɗemme. ɲane dzayye huɗe-aara, gauka haypa ɗekideki, ɲane cudeɗɗe am duksa baɗemme, anƙwa dagave-aatare antara emnde a mága haypa, ɲane anƙwa áza Dadaamiya am samaya.

²⁷ Liman-aha werre wá, ba kelaazare sey ta dánda sadake á ire-aatare emtsaade á deza Dadaamiya geni á yateraarye haypa-aha-aatare, lauktu tá dá náza á emnde geni a yateraarye Dadaamiya ge itare keni. Amá Yaisu wá, ɲane magaaka slera á limanire-aara áte una ɲanna ɗekideki. A magaa sadake-aara ba ser palle á katafke á Dadaamiya an shifa-aara, hyevhye geni Dadaamiya á yateraarye ge emnde baɗemme.

²⁸ Emnde na ndza ta faterar slera á limanire áte una a ndanaa *tawraitá á Muusa wá, ta ba emndimagwaha, tá naba mbedá ádaliye á dem haypa, nampire-aara á de haraaka, á de kefa ba dekideki. Amá am sarte na Dadaamiya a zu wafa geni Egdza-aara á de gev liman yaikke na wá, a eptsante am sarte njanna tawraitá keni. Daaci a vante slera á limanire ge Egdza-aara, njane hyevhye am duksa bademme dem ba ge dekideki.

8

*Yaisu *liman á miya yaikke*

¹ Náwa una wá, jirire á elva-aha na njá anjwa tsakaná njere bademme na: Miya wá, shamiyánsha *liman yaikke zlaazlala á dem samaya, anjwa á njá am nadafa á Dadaamiya na ni njane slekse arge duksa bademme na.

² Njane anjwa á maga slera á limanire-aara am tate na cudede jipu, Dadaamiya á njá amkwa na. Werre wá, liman-aha ndza ta magaa slera á limanire-aatare á ba am *mashidi á kacakaca ta maganaa ba emnde. Amá Yaisu wá, njane anjwa á maga slera á limanire-aara am samaya, am mashidi á jirire na a maganaa Dadaamiya.

³ Bademme á liman-aha wá, ta fater ba ge dá sadake-aha gergere á de katafke á Dadaamiya. Daaci shagera ba liman á miya yaikke na keni á dánda sadake á de katafke á Dadaamiya.

⁴ Ma andze njane anjwa áte duniya wá, ma andze á manka slera á limanire dekideki, adaba tá anjwa liman-aha umele ge dá sadake á de

katafke á Dadaamiya áte una á ndaná *tawraita á Muusa.

⁵ Liman-aha ɗanna, tá maga limanire-aatare am mashidi, amá una ɗanna ba garava á mashidi á jirire na am samaya na. Am sarte na ni watse Muusa á de maga mashidi á kacakaca wá, a ba Dadaamiya á elvan ge ɗane: Eccena ba shagera, de emmága á ba áte una ya kwaraksaa iya átire á wa na.

⁶ Daaci náwa namiyanna baɗemme geni slera na a faara Dadaamiya ge Yaisu, jauje ge náza á liman-aha baɗemme. Namána na ta shanaa emnde áza Dadaamiya aɗaba Yaisu na jauje ge namána werre. Aɗaba duksa na Dadaamiya a ɗuɗaamiya namána-aara na, jauje ge una werre.

⁷ Ma andze hyefhye namána werre wá, Dadaamiya keni ma á maɗka umele.

⁸ Amá diyamidiya geni namána werre na hyefka ɗekiɗeki, aɗaba emnde yaránka mága haypa. Daaci Dadaamiya aɗkwa á valaterarvale, á ba ɗane á elvan ge itare:

Cenaucena una ba shagera: aɗkwa á sawa zámame na ni yá de ɗuɗaterá namána-aaruwa aɗwaslire ge emnde á *Iserayiila antara ge emnde a Yahuda.

⁹ Una ɗanna gergere antara namána na ndza ya ɗuɗater ge eggye-aha-aatare werre am sarte na ya saterse am larde á Misera na. Itare ɗabarka namána-aaruwa, mele iya keni fanateruka hyema. Una ya ndanaa ba iya ya Yaakadada.

- 10 Náwa yá de maganá estuwa namána-aaruwa antara emnde a Iserayiila: yá de faterem shairiya-aaruwa am makhyakhya-aatare, yá de magaterá ŋgurna geni a seseka am ire-aatare ɗekideki. Yá de gev Dadaamiya-aatare, itare keni tá de gev emnde-aaruwa.
- 11 Am sarte ŋanna wá, watse ɓaaka wedera á emnde ge de ɓalaterá zhera-aaruwa ge emnde, aɗaba an male-aha ka, an egdzara ka, baɗemme á emnde tá de diyisediye.
- 12 Aɗaba yá de zatervarze am haypa-aatare, yá de ŋaterka am ervaunɗe ɗekideki.
- 13 Kwaya ŋane názu a ndanaa Dadaamiya am namána aŋwaslire. Daaci diyaweddiye ganakini Dadaamiya a ganve namána werre ba seke emgyegwe a duksa. Má duksa gevege emgyegwe wá, cekwa nampire-aara, á de haraaka, á de keɗa ba ɗekideki.

9

*Tara slera á *liman-aha am duniya antara náza á Yaisu am samaya*

¹ Am namána á zuŋŋwire wá, Dadaamiya a vaterte shairiya-aha-aara ge emnde, geni tá ɗabaná áte una ŋanna am jahava-aatare á katafke-aara, aɗaba ndza aŋkwa mashidi ta maganaa itare ge ŋála Dadaamiya am huɗe-aara.

² Ta magaa mashidi an kelise, ta fem mekere am huɗe-aara an kacakaca á dzegwa. Mekere na á sete we-aara na wá, ta ɗahanaa an sleɗe cuɗeɗe. Am huɗe-aara tá fa kára á fanus an nara vuye, antara tabel, depaiŋ cuɗeɗe átekwa, tá fan ge Dadaamiya.

³ Am mekere ge buwire am ice á kacakaca á dzegwa na wá, ta dahanaa an sledge na cudedde jipu na.

⁴ Am huɗe á una ɗanna keni maa, ta magaa tate á dɗiza kajiji á katafke á Dadaamiya, ta maganaa an dindar baɗemme, antara nakwati, ɗane keni ta baranaa an dindar ɗanna. Nakwati ɗanna wá, tá yeha namána á Dadaamiya átekwa. Am nakwati ɗanna maa, aŋkwa erɓa á dindar. Am erɓa ɗanna maa, ta fem dafa na ndza a vatertaa Dadaamiya á sawa am samaya am sarte na ndza ta am kaamba na. Aŋkwa zlaɓe zade á *Haruna na ndza a magaa hyema na, antara naláwa-aha á nakwa buwa na ndza Dadaamiya a puwaterte shairiya-aha-aara átekwa na. Baɗemme á una-aha ɗanna tá á ba am nakwati ɗanna.

⁵ Ate nakwati ɗanna maa, ta magaa garava á malika-aha buwa. Amaana, ba Dadaamiya an ire-aara keni aŋkwa am tate ɗanna. Lyambake á malika-aha ɗanna ta jamme tekeppe áte ire á tate na male á *liman-aha á de tedantá uzhe á sadake ge Dadaamiya, geni á yateraarye ge emnde na. Amá kina wá, ɗá dzegwánka emtsaade palakura jirire-aara baɗemme.

⁶ Am sarte na zlaruzle am mága mashidi ɗanna baɗemme maa, liman-aha ta duwa ba kelaazare á dem mekere ge zuŋɗwire na ge mága slera-aatare.

⁷ Amá á dem mekere ge buwire na wá, sey á duwa ba male á liman-aha palle. A duwa ɗanna keni sey ba ser palle am sakanderi. Má á duwa keni maa, á duwa an uzhe á dabba am

erva á danán ge Dadaamiya, geni Dadaamiya á yateraar haypa-aha-aatare, ɲane antara emnde á Dadaamiya baɗemme.

⁸ Náwa názu á kwaramisa Sheɗekwe Cudeɗɗe an duksa-aha ɲanna: Máki zlaɓe aɲkwa mekere á zuɲɲwire am mashidi ɲanna wá, zlaɓe ɓaaka barama ge dem sleɗe na cudeɗɗe jipu na.

⁹ Duksa-aha na tá maganá emnde sem vatená na wá, tá maga ba garava una mí zharaná miya kina. Baɗemme á sadake-aha ɲanna, á dzegwánka baraterá ervaunɗe ge emnde.

¹⁰ Una ɲanna á kwaraterse ba elva á náza za, geni a zarza una, a zarka una, antara elva á náza sha, ira elva á tseɗaɲɲire. Baɗemme á shairiya-aha ɲanna ba iga-aara emtsaade, dem sarte na Dadaamiya á de mbaɗese mbaɗe duksa baɗemme aɲwaslire.

¹¹ Kina wá, samsa Yaisu *Almasiihu, ba ɲane una male á *liman-aha baɗemme, a sanaa ba ɲane duksa shagera na mi shanaa miya áza Dadaamiya. ɲane aɲkwa á maga slera-aara am tate na jauje ge mashidi á kelise na ndza ta maganaa emndimagwaha werre na. Ta maganaa emnde ka tate ɲanna, una ɲanna slera á Dadaamiya an ire-aara.

¹² Am sarte na Yaisu a duwa á dem tate na cudeɗɗe jipu na wá, daaka an uzhe á usale, bi an uzhe á egdze á dalau, amá a duwa an uzhe á ire-aara ba ge ɲane. A demhe ba ser palle, daaci hyevhye ge lya emnde baɗemme dem ba ge ɗekideki.

¹³ Itare ba ta icetaa usale, bi egdze á dalau, daaci ta ucaterve uzhe-aara ge emnde na

ɗabaraaka shairiya á Dadaamiya, bi ta icetaa gyaale á esla, ta deraahe an kárá, ta kutaterva kelpakara-aara. Má magarnaamaga bademme áte una á ndahaná *tawraitá wá, ma ware una ndza a dzaleve áte shairiya á Dadaamiya keni, an bara haypa-aara.

¹⁴ Daaci má uzhe á dabba ndza an hákuma es-tuwa ge bara haypa, sakwa uzhe á Yaisu Almasi-ihu emtu? Yaisu keni baaka duksa mándzawe áte ɲane ɗekideki. An hákuma á Sheɗekwe Cudeɗɗe na á nja ba ge ɗekideki na, a naba yanaa shifa-aara ge Dadaamiya. Uzhe-aara na a puwanvaa ɲane na wá, á baramiyá haypa ge miya, á ekhyamiya ervaunɗe geni mí maganá slera ge Dadaamiya Saksage.

¹⁵ Adaba una ɲanna, Yaisu wá, slemela emnde ba ɲane antara Dadaamiya. Ba ɲane una á mará namána anɲwaslire na a ɲgudateraa Dadaamiya ge emnde na. Adaba una ɲanna, bademme á emnde na a dzeratersaa Dadaamiya geni ta emnde-aara na, tá de lyevaalye duksa shagera na a ba Dadaamiya am namána-aara, á de vaterteva na. Duksa ɲanna ba seke ta zu am warita, baaka slelyatervulye ɗekideki. Tá de shá una ba seke warita adaba emtsa á Yaisu Almasiihu. An emtsa-aara ɲanna, a de lyatersaa ɲane emnde am haypa na ta maganaa itare werre, am sarte na tá ɗaba emgyegwe á namána.

¹⁶ Má anɲkwa ura a yaa nasherire á nalmane-aara, geni má de kedaakeda ɲane, tá de teganá emnde-aara áte una a ndasaa ɲane wá, sey tá paka ba má kedaakeda ɲane emtsaade, lauktu tá tega warita ɲanna.

¹⁷ Má edda una a ndaase nasherire á nalmane-aara na tá de záná emnde am warita na zlaɓe á ba an shifa-aara wá, ɓaaka ura á maga názena a ndasaa ɗane na, sey má kedaakeda ɗane, lauktu tá emmága.

¹⁸ Ba namána á zuɗɗwire na ndza a maganaa Dadaamiya werre na keni, sey máki jarja dabba emtsaade, lauktu á gevge duksa na a ndasaa ɗane na.

¹⁹ Am sarte ɗanna maa, nabi Muusa a palaternaahé shairiya-aha á Dadaamiya na am *tawraitá na baɗemme ge emnde. Daaci a eksante uzhe á egdzar esla-aha, antara usale-aha, a kante yawe, a icevaa erva á nafa umele tá ɗahaná an isaup, antara úgje á duksa umele haɗje. Daaci a wecanve uzhe antara yawe na ge wakita á *tawraitá, a wecaterve ge emnde na tá katafke-aara keni baɗemme.

²⁰ Am iga a una ɗanna maa, a ba ɗane á elvan ge itare: Una na wá, uzhe na Dadaamiya a magaa namána an ekkure an ɗane, tsufautsufa ba shagera.

²¹ Zlaɓe áɗaliye, nabi Muusa a de wecanve uzhe na ge mashidi na ta maganaa an kelise na, antara kazlaɗa á mága slera á limanire na am huɗe-aara na baɗemme.

²² Áte názena á ndaná *tawraitá wá, cekwa duksa na tá wecanveka uzhe na geni tá ganvege cuɗeɗɗe á katafke á Dadaamiya. Má puwaraaka uzhe wá, Dadaamiya á yateraarka haypa ge emnde ɗekideki.

*Yaisu *Almasiihu a bezateraa haypa ge emnde an uzhe á ire-aara*

²³ Ate una á ndaná *tawraitá á Muusa wá, má jarejja dabba wá, ma uwe keni tá naba ganvege cufedde an uzhe-aara. Amá a viyamiyarka geni slera á limanire zuŋŋwe na wá, ndza ba garava-aara ge jirire á duksa na am samaya na. Jirire-aara na am samaya na wá, sey uzhe na jauje ge uzhe á dabba, una ŋanna uzhe á Yaisu *Almasiihu.

²⁴ Náwa cenamiyancena geni Yaisu Almasiihu demde á dem tate na cufedde jipu na. Amá wá, am mashidi á kelise na ndza ta maganaa emndimagwaha ka, una ŋanna ndza ba garava-aara ge jirire á tate na Dadaamiya á njá ámkwa na.

Ŋane zlaazlala á dem samaya, tate na Dadaamiya á njá átekwa na. Kina wá, ŋane aŋkwa á katafke á Dadaamiya, aŋkwa á magamiya wedera á miya baɗemme.

²⁵ Male á *liman-aha wá, ŋane ba kelaa sakan-deri á duwa an uzhe á dabba á dem tate na cufedde jipu na. Amá Yaisu wá, ŋane daaka an uzhe á dabba á de katafke á Dadaamiya. Ŋane a yaa shifa-aara sadake ge Dadaamiya, a magaa ba ser palle ŋanna, daaci hyevhye náza á dem ba ge ɗekideki.

²⁶ Ma andze a magaa sadake-aara ser kwakya wá, kwaye am fakte á duniya dem halavuwa-aara keni, ma andze á sha ba zlaɗa. Amá, a shu zlaɗa-aara ba ser palle. A semhe ba ser palle ŋanna herzhe an halavuwa á duniya na, a se yaa shifa-aara sadake ge Dadaamiya, geni ma vaatara keni, á barateraabara haypa-aha-aatare ge emnde, ɓaaka hákuma á haypa mazla-aara.

27 Baɗemme á emnde, ma ware keni á de emtsa ba ser palle. Am iga á emtsa maa, tá de katafke á shairiya á Dadaamiya.

28 Yaisu *Almasiihu keni a emtsa ba ser palle. A yaa shifa-aara sadake ge Dadaamiya, geni á barateraabara haypa-aha-aatare ge emndimag-waha. Á de sawa zlaɓe áɗaliye, amá sawa-aara ŋanna wá, á se baraterá haypa ka mazla-aara ge emnde, amá á se enzla ba emnde na ni tá aŋkwa ufa ŋane na.

10

1 Shairiya-aha na am *tawraitá á Muusa na wá, á maramiya ba gáraɗa á duksa shagera na mi shanaa miya kina. Shairiya-aha ŋanna, ba garava-aara ka wá, jirire-aara ka. Male-aha á *liman-aha wá, ba kelaa sakanderi icaranseka ɗekideki ge dá sadake á de katafke á Dadaamiya am tate na cuɗeɗe jipu na. Má estuwa wá, una á dzegwánka ɗekideki melateru ge emnde geni tá geɗe cuɗeɗe á katafke á Dadaamiya.

2 Ma andze emnde tá shansha cuɗeɗe náza dem ba ge ɗekideki aɗaba sadake ŋanna wá, ma andze á enzleka ervaɗe-aatare mazla-aara áte elva á haypa, ma andze tá ádalika á maga sadake mazla-aara.

3 Amá sharánka una ŋanna, baira ɗeme sadake-aha ŋanna á yehaterante haypa-aha-aatare ba kelaa sakanderi.

4 Aɗaba uzhe á dalau antara uzhe á usale á hyefka ɗekideki ge bára haypa.

5 Aɗaba una ŋanna, am sarte na samsa Yaisu *Almasiihu á sem duniya, a ba ŋane á elvan ge

Dadaamiya:

Uzhe á dabba antara sadake-aha umele, baaka wedera á ŋa an ŋane. Adaba una ŋanna ka give urimagwe, geni yá se yá shifa-aaruwa á katafke á ŋa.

⁶ Sadake á dabba-aha na tá epshaká emnde, antara sadake á bara haypa na wá, baaka wedera á ŋa an ŋane mazla-aara.

⁷ Ya ndaaka adaba una: Náwa iya, Dadaamiya-aaruwa, sanemse á sem duniya, ya se maga názena ká kataná ka, ba seke una ta puwete am wakita á ŋa arge iya na.

⁸ Am zunŋwire keni, a ba Yaisu á elvan ge Dadaamiya: «Uzhe á dabba-aha antara dabba-aha na tá epshaká emnde na, antara sadake á bára haypa, ira sadake-aha umele, una-aha ŋanna bademme higakarka.» Sadake-aha ŋanna tá magáná á ba áte una á ndaná *tawraitá tsa kalkale, aley Dadaamiya lyiyaaka.

⁹ Daaci á ba ŋane zlaŋe ádaliye: «Náwa iya sanemsa á sem duniya, ya se maga názena ká kataná ka.» Elva-aara ŋanna wá, á palaamiyá una ni Dadaamiya á lyiyeka sadake werre na mazla-aara, a naba mbedese an sadake umele.

¹⁰ Miya wá, gamiyevge emnde cuŋcuŋde á katafke á Dadaamiya, adaba Yaisu *Almasihu maganaa-maga názena á kataná Dadaamiya, a yaa shifa-aara ba ser palle sadake na.

¹¹ Bademme á *liman-aha wá, ma ware-aatare keni má daada áte ŋane, ba kelaazare baaka njinja-aatare ŋekideki am slera-aatare ge fa sadake-aha á emnde á katafke á Dadaamiya.

Sadake-aha ɲanna keni baraaka haypa á emnde ɔfekideki.

¹² Amá Yaisu Almasiihu ɲane a naba yaa shifa-aara sadake ge Dadaamiya. Ba ɲane una an hakuma á baraterá haypa ge emnde dem ba ge ɔfekideki. Am iga a una ɲanna maa, zlaazlala á dem samaya, aŋkwa á njá am naɔafa á Dadaamiya,

¹³ á páká sarte na ni Dadaamiya á de gatervege kelaade-aha-aara tate á puwa sera-aara na.

¹⁴ An sadake-aara ɲanna ndza a maganaahe ba ser palle na wá, a baraterse an una ɲanna ervaunɔɔe ge emnde na a dzeratersaa ɲane, garevge emnde cuɔeɔɔe náza á dem ba ge ɔfekideki na.

¹⁵ Shedekwe Cuɔeɔɔe keni aŋkwa á bamiyanba geni ba sadake-aara palle una hyevhye. Aɔaba ndza a ba ɲane:

¹⁶ A ba Yaakadada Dadaamiya: Náwa ɲane duksa na am namána-aaruwa yá de magaterán ge emnde-aaruwa: am sarte ɲanna yá de ɲaternaaja shairiya-aha-aaruwa am ire-aatare, yá de magaterá pute geni á seska am eŋkale-aatare ɔfekideki.

¹⁷ Daaci a ba ɲane zlaɔe áɔaliye: Yá de yateraarye haypa-aha-aatare, yá de ɲaterka am ervaunɔɔe mazla-aara.

¹⁸ Máki yateraarye Dadaamiya ge emnde wá, elva a sadake umele ɔaaka mazla-aara.

Gaumiyaptege á deza Dadaamiya

¹⁹ Egdzar mama-aha-aaruwa, kina wá, ɔaaka názu á piyamite ge dem tate na ni cuɔeɔɔe jipu na. Aɔaba Yaisu a puwaa uzhe-aara aɔaba miya.

²⁰ Yaisu ɲane a naba tanve kacakaca á dzegwa na ni ndza am dagave á miya antara tate na cudedde jipu na. A vamitaa ɲane baráma á dem tate ɲanna, geni mí shansha shifa na á zleka na. Kacakaca á dzegwa na a tanvaa ɲane na wá, amaana vuwa-aara ba ge ɲane.

²¹ Miya, shamiyansha *liman yaikke, á kwaraterá ɲane emnde na tá am huɗe á há á Dadaamiya baɗemme.

²² Ba seke una ni Yaisu a weramiyante barama na wá, mi zlalawa á de katafke á Dadaamiya an ervaunɗe á miya palle, magaumika shaige ɗekideki. Adaba Yaisu a baramise ervaunɗe an uzhe-aara, a baramive an yawe tseɗaɲe.

²³ Yaumiyanka mága seydire á shifa na á zleka na, a ba Dadaamiya á de vamiteva na. Adaba má ɲane ndaasendaha elva wá, á eptseka elva-aara ɗekideki. Daaci naba faumitarfe á ba áte názena a ndasaa ɲane, magaumika shaige ɗekideki.

²⁴ Magaumimága wáyávire am dagave á miya, ma ware keni a fanemfa ndzedá am vuwa ge ukfeɲara, geni a emmága shagerire antara wayavire ba kelaazare.

²⁵ Náwa emnde umele mbarsembe icanse sem jahava, una ɲanna shagerka ɗekideki. Daaci yaumiyanka jahava átirpalle, ma ware keni a fanemfa ndzedá am vuwa ge ura. Adaba diyakurdiya geni herzhapteherzhe sawa á Yaakadada Yaisu.

²⁶ Má ura diyaadiya jirire á Dadaamiya, aley á maga ba haypa an niya wá, baaka sadake na ni á de barannaabara haypa-aara ɲanna.

²⁷ Má ura á maga jeba á haypa ɲanna wá, sey

á njá á ba an lyawa, adaba Dadaamiya anḳwa eppaka an shairiya, á de záterá kara á jahanama antara kelaade-aha á Dadaamiya umele.

²⁸ Diyakurdiya geni má ura cuducude *tawraitá á Muusa, emnde buwa bi keye naranna an ice-aatare átire á maga duksa ṅanna wá, daaci tá já ba shifa-aara, tá zanvarka dfekideki.

²⁹ Má bikere á edda una a cudu tawraitá á Muusa ni estuwa wá, náza á edda una a epsawaa *Egdza á Dadaamiya antara Shedekwe Cufedde na á magaminá ṅane ṅurna á daba Dadaamiya na, á tsaaka an una ṅanna. Adaba edda-aara a zharaa uzhe á Egdza á Dadaamiya na ba seke duksa ba dey. Uzhe na ni Dadaamiya a ṅgudateraa namána an ṅane ge emnde bademme, ṅane keni a baranaa ba uzhe ṅanna tsa.

³⁰ A ba Dadaamiya á ba an ire-aara wá:

Diyandiya ya zlada na ni yá de faara ya ge edda una má kwalevkwale ge dabadaba na. Yá de pelatersepele mandzawire na tá maganá itare bademme.

Diyamiyeddiye ganakini má Dadaamiya ndasendahe elva-aara wá, sey á ganvege. Zlabe adaliye, anḳwa an puwa am wakita á Dadaamiya, a ba ṅane: Ba Yaakadada una á de maga shairiya á emnde-aara.

³¹ Dadaamiya wá, ṅane edda á shifa. Daaci watse laruwa ge edda una ni má de ṅanaaṅa shairiya á katafke-aara.

³² Yehanteyeha midalire na kwa maganaa kure werre am sarte na lyakurvalya Yaisu. Kwakya

zlaɗa na ndza kwa shanaa kure áza emnde, aley kwa naba bashuhe.

³³ Adaba am sarte umele, ta zlazlakurzlázle emnde á katafke á zlamaha, magarakuránmaga laruwa kwakya. Am sarte umele zlaɓe ádaliye, kure shakuransha ire á kure, kwa de ekhyateraa ervaunɗe ge emnde na tá am jeba á zlaɗa-aha ŋanna.

³⁴ Kwa de zatervaare ge emnde na tá am dangay adaba zhera á Yaisu. Am sarte umele ta naba lyevaa nalmane á kure emnde an ndzedá, aley kwa naba yateranhe á ba an higa, adaba diyakurdiya ganakini kure shakuransha una ni jauje ge nalmane-aha umele bademme, nalmane na a zleka ɗekideki na.

³⁵ Fakurantaufe fetarfire á kure shagera, daaci yawánka. Naba fautarfe áte Dadaamiya. Adaba edda una má kezlanveka fetarfire-aara, á de shá laɗa yaikke áza Dadaamiya.

³⁶ Estuwa, shagera ba kwá farvaunɗe, kwá maga názena á kataná ŋane, lauktu á de vakurte duksa na a ndanaa ŋane na.

³⁷ Adaba a ba wakita á Dadaamiya:

A juwa ba cekwaanɗuɗi, aŋkwa á sawa edda una ni mí pakaná miya na, á shekwaaka mazla-aara.

³⁸ Edda una dzayye ervaunɗe-aara, á de shá shifa na á zleka na, má kezlanveka fetarfire-aara áte iya dem halavuwa-aara. Amá edda una kezlanvekezle fetarfire-aara wá, yá de higarka ge ŋane.

³⁹ Amá miya wá, tamanka ganakini mí de geva am dagave á emnde na tá aŋkwa eptsa á dem kataliye am fetarfire-aatare, tá átira keɗa na.

Miya wá, aŋkwa fetarfe á miya áte Dadaamiya, daaci mí shansha shifa na á zleka na.

11

Fetarfire á emnde á Dadaamiya werre

¹ Fetarfire na wá, amaana njeta áte duksa na á tamaná ura, geni duksa ŋanna á de gevge ba jirire na. Ma á nánka duksa ŋanna an ice-aara keni, diyaadiya geni baaka shaige am huɗe-aara.

² Emnde á Dadaamiya werre keni ndza ta fetaare ba estuwa áte ŋane. Adaba una ŋanna ndza hayaterhaya Dadaamiya.

³ An fetarfire á miya mi diyeddiye geni duksa baɗemme wá, ndza a nderanaa ba Dadaamiya an elva-aara. Daaci baɗemme á názu aŋkwa á zharaná ice á ura na wá, a nderanaa ba Dadaamiya an názu á taa nánka ura.

⁴ An fetarfire ŋanna, Habila a vante sadake á nasherire-aara ge Dadaamiya jauje ge una a vantaa Kayinu. Adaba fetarfire-aara wá, Dadaamiya a naba vante jirire. Dadaamiya lye-vaalya sadake-aara, a naba maranánhe ganakini hayanhayire. Daaci Habila ŋanna wá, ma emtsamtsa ba ŋane keni, labare-aara á eksa ba slera sem vatená, adaba fetarfire-aara.

⁵ Á ba an fetarfire ŋanna, Anuhu ndza nánka emtsa ɗekideki, a naba kapte á dem samaya an vuwa-aara baɗemme, puwarteka ice áte ŋane ɗekideki, adaba danda Dadaamiya ba estuwa. A ba wakita á Dadaamiya wá, Dadaamiya ndza hayanhaya Anuhu ŋanna, daaci a naba eksante ba estuwa.

⁶ Baaka duksa na ni ura á shá haya an ɲane áza Dadaamiya sey á ba an fetarfire palle. Ma ware una á seza Dadaamiya keni, sey á fetarfe geni Dadaamiya wá, aŋkwa ba jirire. Sey á diyeddiye geni Dadaamiya á yaterka emnde na ni tá aŋkwa ganáptega ge ɲane.

⁷ Á ba an fetarfire ɲanna *Nuhu keni ndza a fansarfe ge Dadaamiya. Dadaamiya a balanse elva-aara am wahayu, zlaɓe nánka tsa duksa ɲanna emtsaafé, amá a naba fansarhe. A naba nderaa paare á yawe yaikke áte una a kwaransaa Dadaamiya am wahayu na. Daaci ta demhe antara emnde-aara baɗemme. A lyaterse estuwa Dadaamiya am yawe na ndza a balansaa ɲane. Aɗaba una ɲanna a naba marateranhe ge emnde geni ɲateraana shairiya, aɗaba fartarka áte Dadaamiya. Amá ɲane wá, shansha jirire áza Dadaamiya aɗaba fetarfire-aara.

⁸ Á ba an fetarfire ɲanna zlaɓe ádaliye, ndza fansarfe Ibrahimia ge Dadaamiya. A naba duhe á dem larde na a bannaa Dadaamiya ge de nja amkwa, á de gev náza-aara larde ɲanna. Ba tate ɲanna keni ndza diyaaka emtsaafé Ibrahimia, aley a naba duhe.

⁹ An fetarfire-aara a naba nja am larde ɲanna ndza a fannaa Dadaamiya ge ɲane am namana-aara. Ma gevka ekse-aara miyenne keni, a naba nja áhuwa. Ndza a nja á ba am *bere á kacakaca ba estuwa, lauktu ta melsaa tara Isiyaaku antara Yakubu larde á namána ɲanna, itare keni ta nja á ba am bere á kacakaca ba estuwa.

¹⁰ Ibrahimia a fansaare estuwa ge Dadaamiya

na wá, adaba njantenja am ervaunɗe-aara ganakini watse á daada á dem berni na a nderanaa Dadaamiya am samaya, baaka badza-aara ɗekideki na.

¹¹ Saraatu keni ba estuwa. An fetarfire-aara a naba shaa huɗe, gevge emgyegwe á mukse tsa. Adaba diyaadiya geni Dadaamiya na a banaa watse á de vanta egdzere na, á iceka fida ɗekideki.

¹² Adaba una ɗanna, ba Ibrahimia palle, ɗane una ndza gevge emgyegwe á zhele kurcumme, ndza baaka elva a ya egdzere ázeɗara mazla-aara, ba ɗane ɗanna wá, a naba yehe egdzere baaka kezlakula á eggye-aha-ɗara, ta ba seke shiili na am guwa na, ta ba seke terlyakwa na áte samaya.

¹³ Emnde á Ibrahimia ɗanna ta matsaa ba estuwa, yáranka fetarfire-aatare ɗekideki. Amá itare an ire-aatare wá, pakarvaaka duksa-aha ɗanna ndza a baternaa Dadaamiya na. Duksa palle wá, ndza njarantenja am ervaunɗe-aatare geni baaka shaige áte názu a ndasaa Dadaamiya. Daaci ta higa jipu áte duksa-aha ɗanna. Baira ndza ta enndáhá ba parakke geni itare ta ba seke wayve-aha am duniya na, tate á nja-aatare miyenne wá, áhuna ka.

¹⁴ Emnde ɗanna, am nja-aatare wá, shebarka ɗekideki ganakini aŋkwa larde-aatare ba giraara watse tá zlálá á de njá am huɗe-aara.

¹⁵ Dzamarka ɗekideki áte ekse-aatare na ndza ta segashe am huɗe-aara na. Ma andze tá kátá tate na ndza ta sawa átekwa wá, sey ma tá shantaushe ge barama á eptsa á dehuwa.

16 Amá dzamarka itare una ɲanna ɖekideki. Itare wá, aŋkwa tate umele am ire-aatare, amaana: samaya. Una ɲanna jauje ge tate na ndza ta sawa átekwa na. Adaba fetarfire-aatare ɲanna wá, á wanka shaige ɖekideki ge Dadaamiya geni tá ɖáhá ɲane an Dadaamiya á emnde ɲanna, a tsatsateraa berni yaikke ázeɲara.

17-18 Á ba an fetarfire ɲanna zlaɓe ádaliye, Ibrahimia á kátá icaná egdza-aara palle ba ɲane sadake-aara ge Dadaamiya. A ba Dadaamiya á elvan ge ɲane: Iciyantice egdza á ɲa Isiyaaku sadake-aara. An elva-aara ɲanna wá, a se gya ba hala á Ibrahimia, adaba ndza a bantsa ba ɲane am namána-aara geni eggye-aha á ɲa, wulfe á Isiyaaku, tá de gevge kwakya.

19 Ibrahimia á kátá icetaa egdza-aara na wá, adaba diyaadiya geni Dadaamiya an hákuma á shifeta emnde a faya. Am sarte na Dadaamiya a naba piyante ge Ibrahimia na wá, Isiyaaku wá, ba seke a tsete am faya.

20 An fetarfire, Isiyaaku a gaterar barka ge tara Yakubu antara Isuwa. Am gá barka-aara ɲanna wá, a bateraa názu á de magava á katafke.

21 An fetarfire ɲanna, Yakubu keni am sarte na gevge emgyegwe a juwa ba emtsa, a naba gaterar barka ge egdzara á Yusufa buwa. A tsetehe áte zade-aara, a galante Dadaamiya.

22 Á ba an fetarfire ɲanna, Yusufa keni am sarte na gevge emgyegwe a juwa ba emtsa, ndza a enndaha elva á segashe á emnde-aatare, egdzara á *Iserayiila am larde á Misera. Ndza a

kwaratersekware bademme náza na ni watse tá maganá an hyehye-aara má emtsamtsa ɲane.

²³ Tara eddeɲara antara emmeɲara ge Muusa keni ba estuwa. An fetarfire-aatare am sarte na yaireye Muusa, naránna geni zariya egdza-aatare, daaci magarka lyawa dekiɲeki ge ya elva na a tsanaa sleksu *Firawna. Ta naba shebanvehe am mba dem tere keye.

²⁴ Adaba fetarfire ɲanna, am sarte na walte-wala Muusa, eksarka mazla-aara geni tá dahaná an eggyeɲara ge sleksu *Firawna.

²⁵ ɲane a hayaa ba tá shá zlaɲa átirpalle antara emnde á Dadaamiya, arge una ni á njá am geɲa am sarte cekwaanɲuɲi, amá slehaypa.

²⁶ Ndza diyaadiya geni ambane ba sha epsawa áza emnde adaba Almasihu na watse á belaná Dadaamiya á sem duniya na, arge una ni á zuze duniya an nalmane na an ndaaka am larde á Misera na. Adaba ɲane a fete ire-aara áte laɲa na á de vantá Dadaamiya na.

²⁷ Adaba fetarfire-aara ndza sessa Muusa am larde á Misera. Slekse á Misera jaaja ervaɲɲe, amá ɲane magaaka lyawa-aara dekiɲeki. Baaka lambe-aara ba seke ɲane aɲkwa á nanna Dadaamiya an ice-aara.

²⁸ Ba Muusa ɲanna zlaɲe adaliye, adaba fetarfire-aara, a kwaraterse ge emnde a *Iserayi-ila geni a wecarweca uzhe á dabba áte wakiyiya-aha-aatare, geni malika na a se ceɲa makaji-aha na a demka á dem mba-aatare. Daaci Muusa a tsaa muɲri á una ɲanna tá aɲkwa emmága ba kelaa sakanderi. Tá dáhá muɲri ɲanna: *Paska.

29 Á ba an fetarfire ŋanna zlaɓe ádaliye, emnde a *Iserayiila ebzarubze haye kyaŋŋe áte shiili cakasse ba seke ndza ɓaaka yawe am guwa yaikke ŋanna, amá ba ta demhe ge emnde a Misera wá, a naba ndateruhe ge haye.

30 An fetarfire-aatare, ndza zazaraazaza emnde a Iserayiila dala yaikke na emnde a Yairikau ta jantaave ge ekse-aatare an ŋane. Ba kelaazare wá, ta de jantaave ser palle áte una ndza a kwaratersaa Dadaamiya. Am hare ge vuyire wá, zazaazaze dala yaikke ŋanna baɗemme.

31 Ndza aŋkwa mukse zaware umele, zhera-aara Rahab. Adaba fetarfire-aara áte Dadaamiya, a naba lyevaa emnde a Iserayiila na ta se gya nasherire á ekse-aatare á dem mba-aara. Daaci am sarte na emnde a Iserayiila ta cebaa emnde a ekse na wá, ta yaa ŋane an shifa.

32 Yá maganá estara kina? Adaba cekwa sarte ganakini yá palakurnaapala labare á fetarfire á emnde á Dadaamiya umele, seke tara Gidiyaun, Barak, Samsaun, Yaifta, *Dawuda, Samiyail, ira nabi-aha umele.

33 An fetarfire-aatare emnde ŋanna ndza garega ndzedá arge larde-aha umele. Baɗemme á názena ndza a baternaa Dadaamiya am namána-aara sharánsha an fetarfire-aatare, dzalarefka áte unŋule-aara. Emnde á Dadaamiya werre ŋanna wá, ba ervare keni dzegwánka wera we-aara ge magatera emtaŋkire.

34 Adaba fetarfire-aatare, ba derve á kára keni zaterka emnde ŋanna. Zlaɓe ádaliye, ndza tá kátá cebaterceɓa kelaade-aha-aatare an katsakar

keni, ta ganaa ba itare ndzedá. Ndza baaka payda-aatare, amá an fetarfire-aatare wá, ndza ta emnde a ndzedá ba itare. Mbarmbe wáwa jipu, ma vaatara keni sey tá bakáterá ba itare emnde a wáwa á larde-aha umele.

³⁵ Á ba an fetarfire ṅanna zlaḅe ádaliye, ndza aṅkwa ṅwasha umele emtsaremtsa emnde-aha-aatare, amá naraterna zlaḅe ádaliye an shifa.

Amá emnde umele-aatare ndza naranna zlaḅa kwakya. Ma andze baránba ganakini tá dalika á ḁaba elva á Dadaamiya wá, ma tá naba yáteryá, amá eksaraareka una ḁekidēki, ta eksese ba emtsa am zlaḅa ṅanna, lauktu á de tsatertetsa Dadaamiya, á de vaterte shifa na jauje ge una am duniya an emtakire na.

³⁶ Emnde umele keni naránna laruwa ba es-tuwa, ta epsawateraahe, ta gyegaterse an ja, ta puwateremhe am kaderci, ta zlaṅateruhe am dangay.

³⁷ Emnde umele ndza ta cebaa ba shifa-aatare an nakwa, emnde umele ndza ta ḁatsaterthe bubuwa, emnde umele ndza ta cebateraa an kat-sakar, emnde umele keni ndza ta zadateremhe am sleḁe ba estuwa, garevge talaga-aha, ta ṅuḁḁaa ba gwagwa, sharaterushe wahala, ma-garateránmaga palasa jipu.

³⁸ Ta naba nja áte bala-aha umele am kaamba, antara áte ire á wa-aha, ta hare am hwalakwa-aha antara am evege-aha. Emnde ṅanna wá, baaka arge itare an jirire. Zlaya-aatareka ḁekidēki nja am duniya á laakire na.

³⁹ Emnde ṅanna baḁemme wá, hayaterháya Dadaamiya, aḁaba fetarfire-aatare áte ṅane.

Amá wá, pakarvaaka an shifa am duniya na názena ni a baternaa Dadaamiya geni á de vaterteva na.

⁴⁰ Adaba uwe? Áza Dadaamiya wá, ndza an tsatse duksa ɲanna zlauzle, geni á geramika antara itare ɔkideki, mí de lyiyaná á ba átirpalle antara itare cudeɔɔire na á de vamita ɲane. Una ɲanna duksa na shagera ge miya.

12

Dadaamiya Eddemiya bademme

¹ Daaci miya wá, emnde a fetarfe ɲanna ba seke tá jamitaave á ba an je. An fetarfire-aatare ɲanna, tá kwaramisá itare fetarfire áte Dadaamiya. Adaba una ɲanna, miya keni yaumiyanya haypa-aha na wayaaka mi pakyava ɔkideki na, valyawamiyaavalya gwatama na a piyamite de katafke áte barama á Dadaamiya na bademme, mí zlalawa á ba de katafke, kudaumika.

² Zlabe ádaliye, zharaumizhara ba sera á Yaisu, adaba a magaminaa ba ɲane ɲgurna geni mí fetarfe, á de zlamiyansauwa ba ɲane zlabe ádaliye ge fetarfire á miya ɲanna. Yaisu ɲane a naba eksaarhe geni ta ja shifa-aara áte dzanɲala, wanka zherwe ɔkideki ge emtsa estuwa, adaba a fete ire-aara áte higa na á de vantá Dadaamiya na. Kina wá, ɲane anɲkwa am nadafa á Dadaamiya am sleksire-aara.

³ Dzamaumidzámá ba shagera emtanɲkire na ni ta maganta emnde a haypa ge Yaisu na. Nja ba zladfa na ta magannaa emnde ɲanna, a naba

bashuhe baɗemme. Slaslauslasle á ba áte náza-aara emtsaade, lauktu mí de shá ndzeɗa am zlaɗa-aha á miya keni.

⁴ Ge jirire wá, ekkure keni kwá aṅkwa wawa jipu geni kwá janaaja haypa. Amá wá, zlaɓe jerka edda una ni emtsamtsá aɗaba una ṅanna am dagave á kure. Daaci gazlauka ɗekiɗeki.

⁵ Viyakurnaaviya elva na ndza a bakurnaa Dadaamiya ge vakurte ndzeɗa an ṅane na emtu? Nawa a ɗakurte an egdzara-aara. Aɗaba aṅkwa am wakita á Dadaamiya, á ba ṅane:

Egdza-aaruwa, má ya Yaakadada Dadaamiya, yá aṅkwa giyakgiya wá, sey ká fa hyema áte elva ṅanna. Ma yá valakarvale keni, á guleka higa á ṅa áte iya.

⁶ Aɗaba iya Yaakadada wá, yá giya edda una ni wayanwaya na, yá ja ba edda una ni gevge egdza-aaruwa na, a bina.

⁷ Aṅkwa egdzere ni á giyeka eddeṅara ɗekiɗeki emtu? Daaci áte zlaɗa ṅanna wá, kwá naba diyeddiye geni á dzerakursaa ba Dadaamiya, kwa ba seke egdzara-aara. Má estuwa wá, ɓashawaɓasha baɗemme á zlaɗa-aha na shakursha na, lauktu kwá de shansha nampire-aara.

⁸ Á giyatera ba estuwa Dadaamiya egdzara-aara. Daaci máki á giyakurka kure wá, kwa egdzara-aareka ɗekiɗeki, kwá ba seke masagwa-aha am emnde-aara.

⁹ Zlaɓe áɗaliye, dada-aha a miya am duniya keni ndza ta giyamigiya, ndza mí fa zherwe áte itare. Daaci faumifa zherwe áte Eddemiya na am samaya na keni. Má má aṅkwa fa zherwe áte ṅane wá, mí de shá shifa na á zleka na.

¹⁰ Dada-aha a miya na ta yamiya am duniya na wá, ndza ta giyamiya á ba am sarte na mi egdzara mesheshe, ba seke una ta beranaa itare ge shagerire. Amá Eddemiya na am samaya na wá, ñane á giyamigiya geni á famiyem ndzedá am vuwa, lauktu mí gevge emnde cudedéde ba seke ñane.

¹¹ Má Dadaamiya aŋkwa giya ura wá, vacite ñanna wá, zladá áte edda-aara, baaka higa-aara dekideki. Amá má zlauzle zladá ñanna wá, edda una má diyeddiye nampire á zladá ñanna wá, á shá hairire antara zlalava shagera áte uŋŋule á Dadaamiya.

Faufa hyema áte ire á kure

¹² Diyakurdiya tsawe ganakini Dadaamiya á yanka giya egdzara-aara wá, daaci a guleka higa á kure, naba daumbare á de katafke áte uŋŋule-aara.

¹³ Tá aŋkwa emnde umele am dagave á kure, ta ba seke emnde a dere, cekwa ndzedá-aatare áte uŋŋule á Dadaamiya. Daaci dabaudfaba uŋŋule na shagera na, geni a dzalarevka áte uŋŋule ñanna, amá a sharansha ndzedá átekwa.

¹⁴ Tatayautataya nja lapiya antara emnde bademme. Tatayautataya an ervaŋde á kure palle, geni kwá gevge emnde cudedéde áza Dadaamiya. Adfaba má baaka una ñanna wá, ma ware edda-aara keni á taa daaka á deza Dadaamiya.

¹⁵ Faufa hyema áte ire á kure, geni ma ware á kure keni a yanaaka ŋgurna á Dadaamiya. Adaliye, faufa hyema geni a jerka ura am dagave á kure ni mándzawe zlalava-aara. Ura estuwa á

melateruka ge emnde áte barama á Dadaamiya, baira á badzaterbádza ba seke namgena am dagave á hiya am fe.

¹⁶ Zlaŋe ádaliye, faufa hyema áte ire á kure, geni a jerka ura ŋgudi am dagave á kure, á feka zherwe áte názena a wayanantaa Dadaamiya, ba seke Isuwa werre. Ŋane wá, a naba velu makajiyire-aara ira warita á makajiyire baŋemme aŋaba zu duksa ser palle.

¹⁷ Ba ekkure keni diyakurdiya geni, am sarte na zlauzle veluvele wá, a deza eddeŋara ágira a de kátá barka, amá a naba kwaleve ge eddeŋara gar barka ŋanna. Baaka názu magaaka ŋane, antara yawe á kyuwa-aara campaukkwe átekwa, aley shanka pute geni á tsatsanaatsatse názena a badzanvaa ŋane.

¹⁸ Diyaweddiye geni tate á tse á kure ge kure á katafke á Dadaamiya wá, gevka seke náza á *Iserayiila-aha werre áte vuwa á wa Sina. Itare wá, ma tá naba dzegwandzegwa fetefa ba erva-aatare keni áte wa ŋanna. Ndza naranna nara á kárá yaikke áte ire á wa ŋanna, ndza naránna tabeŋammire antara gwehya, ira válale yaikke.

¹⁹ Zlaŋe ádaliye, ndza cenarácena hula á duksa ba seke gaashi áte wa ŋanna, cenarácena kwárá umele, kwárá ŋanna wá, ba kwárá á Dadaamiya. Am sarte na cenarácena kwárá ŋanna wá, gazlargazla jipu, baira ta yeka ganakini a semka kwárá ŋanna mazla-aara á sem hyema-aatare.

²⁰ Aŋaba edda-aara a se ŋalaterse elva na zlazlaŋa áte itare. A ba ŋane, ma ware keni a feka erva-aara áte wa ŋanna. Una ma ba dabba

keni sey tá jana á ba an nakwa, a zlauzle shifa-aara ba estuwa.

²¹ Duksa-aha ŋanna ta naaná itare na wá, gazlateraagazla jipu. Ba Muusa an ire-aara keni a ba ŋane: Gazlangazla, yá gyagye ba seke maagara ge lyawa, a bina.

²² Amá ekkure wá, estuweka. Ekkure kwa sete wa na tá dahaná an wa *Siyauna, am tate na átekwa berni á Dadaamiya Saksage. Berni ŋanna wá, ba Urusaliima na am samaya na. Kwa sem tate na ta átekwa malika-aha bademme baaka kezlakula-aatare na.

²³ Adaliye, ekkure, aŋkwa slede á kure am dagave á nalga á emnde na tá am gedá yaikke átevege Dadaamiya na. Emnde ŋanna ta ba seke makaji-aha átevege eddetare, zhera-aha-aatare bademme aŋkwa an puwa áza Dadaamiya am samaya. Ekkure wá, kwa seza Dadaamiya na á de kyaná ŋane shairiya á emnde bademme na. Ekkure dabakurtecfaba emnde na tá aŋkwa áza Dadaamiya, a gatervaa ŋane cufedde am duksa bademme na.

²⁴ Ekkure, dakuraada á deza Yaisu. Ba ŋane una slemela emnde antara Dadaamiya, geni Dadaamiya á maga namána aŋwaslire antara itare. Ekkure, dakuraada á deza Yaisu na, ŋane a gakurve cufedde an uzhe-aara na. Uzhe-aara ŋanna wá, aŋkwa á kwaramise duksa shagera gergere antara una mi tsahese áte uzhe á Habila.

²⁵ Daaci faufa hyema ba shagera áte ire á kure, eblyawanveka elva á edda una aŋkwa á bakurá elva na. Werre wá, bademme á emnde na ndza ta kwaleve elva á edda una ni á fater magiya an elva á Dadaamiya am duniya

wá, enjzarseka dekiŋdeki. Ge miya emnde na má anŋkwa cena elva á Yaisu na a sawa am samaya na keni, watse ba estuwa. Amaana, má kwalamiyevkwale, watse baaka pute á miya umele geni mí enjzlesenjzle an ɲane.

²⁶ Ndza werre ɲanna wá, Dadaamiya a ndaase ba elva an kwara yaikke, daaci a naba gejaavte ge haha á ba an ndzeɗa. Kina keni elva-aara anŋkwa á bamiyánba geni watse á de emmága zlaɓe ádaliye ba estuwa. Amá antara ba samaya keni á de gejaava á ba an ndzeɗa, a bina.

²⁷ A ba ɲane, buwaaka dekiŋdeki wá, baɗemme á názena a nderanaa ɲane, á de gejaava zlaɓe ádaliye á ba an ndzeɗa, lauktu tá de zlauzle ba estuwa. Daaci tá de juwa ba duksa-aha na baaka halavuwa-aatare ge itare dekiŋdeki na.

²⁸ Máki estuwa wá, miya wá, slafauminaaslafe ba we á miya ge Dadaamiya an ervaunɗe á miya palle. Aɗaba ɲane a famiyaa yaikkire na baaka halavuwa-aara dekiŋdeki na ge miya. Galaumigálá Dadaamiya, njauminja á katafke-aara an fesarfire am elva-aara, njauminja an lyawa-aara am ervaunɗe áte una á kataná ɲane.

²⁹ Aɗaba Dadaamiya na mí yeka ázeɲara na wá, ɲane slera-aara ba seke slera á kára. Amaana, ɲane á shekwaaka keɗanaakeɗa názena hayánka ɲane.

13

Á kátá uwe Dadaamiya áza emnde?

¹ Ekkure emnde a fetarfe wá, yawánka mága wayavire am dagave á kure, njawinja ba seke egdzar mama.

² A viyakurarka elva á lyiya wayve-aha na tá se tsekwa am mba á kure. Fawaterufe hyema ba shagera, adaba ndza anƙwa emnde umele ta lyevaa wayve-aha-aatare, faraterufe hyema ba shagera, mbate wá, wayve-aha ɲanna malika-aha.

³ Emnde na tá am dangay na keni dzamauterdzámá, zladá-aatare ɲanna a gevge ba seke áte kure. Adaliye emnde na tá am zladá-aha umele na keni, dzamauterdzámá ba seke kwa kerde antara itare am zladá ɲanna.

⁴ Emnde bademme a faransarfe ge Dadaamiya am elva á nika. Am dagave á tara zhele an mukse-aara, ma ware-aatare keni a badzanveka cudeddĩre á nika-aatare. Adaba Dadaamiya á de yanka záterá an shairiya, bademme á emnde a mága dakarire antara emnde a mága gwardzire.

⁵ Yawanánka ervaunƙe á kure ba ge waya shunƙu, naba higauhiga arge una anƙwa am erva á kure, adaba a ba Dadaamiya: Yá anƙwa antara ekka, ma vaatara keni, yá yanƙa dey.

⁶ Adaba una ɲanna, bawamiyánba ganakini Yaakadada, Dadaamiya-aaruwa anƙwa am iga-aaruwa, baaka lyawa-aaruwa, á magiya uwe urimagwe? Baaka shaige-aaruwa deƙideƙi.

⁷ Yehauteyeha male-aha á kure na ndza ta balakursaa itare elva á Dadaamiya na. Yehauteyeha zlalava-aatare, antara fetarfire-aatare áte Dadaamiya dem halavuwa á shifa-

aatare am duniya. Daaci ekkure keni fautarfe áte Dadaamiya ba seke itare.

⁸ Yaisu *Almasihu wá, werre keni ndza ba ñane, vatená keni ba ñane ñanna, ñane á njá á ba áte una ñanna dem ba ge ðekidfekei.

⁹ Faufa hyema áte ire á kure, adaba tá anƙwa emnde na tá anƙwa jansaare ba itare an ire-aatare tsaha-aha umele gergere, ndza cenaranka emnde ðekidfekei. Enƙalaawa, geni a kedarakuraaka áte baráma. Adaba a ba itare: sey má ura ðabeteðaba naðe-aha áte elva a náza za baðemme, lauktu á zlava ervaunðe-aara. Cenauka una ñanna ðekidfekei. Sey an ñgurna á Dadaamiya palle. Baðemme á emnde na ndza ta ðabete jeba á naðe-aha ñanna, palle á názu ta shanaa itare ge nampire baaka.

¹⁰ Baðemme á *liman-aha á Yahudiya-aha na kwasau zlaɓe tá faná ba sadake ge Dadaamiya am mashidi-aatare na wá, diyamidiya ganakini una mi shanaa miya áza Dadaamiya na, amaana emtsa á Yaisu na wá, náza-aatare ka, adaba itare zlaɓe diyarka nampire-aara.

¹¹ Male á liman-aha, má á daná sadake ge Dadaamiya adaba haypa á larde wá, tá ica dabba, á daná uzhe-aara á dem tate na cuðeðde jipu na. Hyuwa á dabba ñanna maa, tá de deraná áte iga a ekse-aatare.

¹² Náza á Yaisu keni ndza a mágava ba estuwa. Ta de jaa shifa-aara á ba áte iga a ekse ñanna, a shu zlaɗa áhuwa, geni á baraterá haypa-aha-aatare ge emnde baðemme an uzhe á ire-aara.

¹³ Daaci máki estuwa wá, baaka nampire á jeba á nadina ñanna mazla-aara. Saumisse, mi

zláláwa á deza Yaisu, mí de ƒashán ba kerde epsawa á emnde.

¹⁴ Adaba ƒaaka ekse na mí njá am huƒe-aara dem ba ge ƒekidɛki am duniya na. Amá mí fete ire á miya áte ekse umele aŋkwa, mí de njá amkwa dem ba ge ƒekidɛki.

¹⁵ Daaci galaumigala Dadaamiya, yawamiyanka. Má mí gálá Dadaamiya ƚanna wá, una ƚanna ba seke sadake á miya na mí vante ge ƚane adaba slera á Yaisu. Galaumigala zhera á Dadaamiya ge maraterá zhera-aara ge emnde bademme.

¹⁶ Viyawanaaka magatera maggwire ge emnde. Magaumága zevarzire an duksa na am erva á kure, adaba jeba á sadake ƚanna á vante higa kwakya ge Dadaamiya.

¹⁷ Cenausena názena tá bakurná male-aha á kure, fawatersarfe ba shagera, adaba tá ufaná ba itare shifa á kure, Dadaamiya keni á de ndavateru ba ge itare slera na ta maganaa itare ge fakuru hyema. Daaci má ekkure keni kwá aŋkwa fathersarfe wá, tá maga slera ƚanna á ba an higa. Má ƒaaka una wá, tá higeka am slera ƚanna. Má gulaagula higa-aatare wá, slera-aatare á magakuránka payɗa ge kure.

¹⁸ Yawánka ƚala Dadaamiya arge ƚere. ƚere wá, diyañerdiya ba parakke geni dzayye er-vaunɗe á ƚere, wayañerwaya ƚá maga duksa bademme á ba an unɗule-aara ma vaatara keni.

¹⁹ Duksa na yá kataná iya ázekure kwakya-aara wá, ƚalaunálá Dadaamiya geni a meliyumele, lauktu yá shansha baráma á eptsa á dezekure á ba áte watsewatsire.

Názena yá yekaná iya áza Dadaamiya

²⁰ Dadaamiya slevante hairire ge emnde, a tsantaa ba ṅane suni á miya yaikke am faya, amaana Yaakadada Yaisu. ṅane suni á miya á bá iya na wá, adaba ṅane a emtsehe adaba miya. Miya wá, mi ba seke kyawe-aha-aara. An uzhe-aara, Dadaamiya a ṅgudamiyaa namána na á zleka defekideki na.

²¹ Daaci a melakurumele Dadaamiya, geni kwá shansha mága názena á kataná ṅane bademme. A ganvega Dadaamiya namaari-aara am miya áte erva an Yaisu *Almasiihu, geni mí gevge áte una á kataná ṅane. Galaumigala Yaisu Almasiihu dem ba ge defekideki. *Aamin.

Ga use am halavuwa á elva-aha

²² Egdzar mama-aha-aaruwa, kwaya ṅane egdza elva na ya puwkurtaa ya, geni yá vakurta ndzedá an ṅane. Elva ṅanna kwakyeka, daaci yá anṅwa ṅalakurṅala, taslawá á kure, faufa ervaunḡe, cenauvaacena elva ṅanna ba shagera.

²³ Ambane zlaḡe cenakuránka deme ganakini egdza emmemiya Timaute keni ta bantsa belaranaabela, sesse am dangay. Má samsa á sezeruwa wá, watse á puwisá ṅane ádeze kure.

²⁴ Gawaterga use-aaruwa ge male-aha á kure, antara emnde a fetarfe umele bademme. Emnde a fetarfe na tá am larde á Italiya keni tá anṅwa gakur use-aatare.

²⁵ A magakuránmaga Dadaamiya ṅurna ge kure bademmire á kure.

Wandala
The Holy Bible in the Wandala language of
Cameroon
La Bible en wandala

copyright © 1999 Wycliffe Bible Translators, Inc.

Language: Wandala

Contributor: Wycliffe Bible Translators, Inc.

All rights reserved.

2025-05-13

PDF generated using Haiola and XeLaTeX on 13 May 2025 from source
files dated 13 May 2025

dec75dd5-4784-5059-aa00-668d508a6b0d